

UNIVERZITET U TUZLI  
Broj: 01-58-JN-10/22 LOT 1  
Tuzla, 27.06.2022. godine

Na osnovu člana 70. i 71. Zakona o javnim nabavkama BiH («Službeni glasnik BiH» broj: 39/14) i člana 65. stav (1) tačka r) Statuta JU Univerziteta u Tuzli broj: 03-730-1/17 od 03.02.2017. godine, a nakon razmatranja Zapisnika Komisije o pregledu i ocjeni ponuda broj: 01-58-JN-9/22 LOT 1 od 16.06.2022. godine, po punomoći Rektorice Univerziteta u Tuzli broj: 01-2593-1/20 od 11.06.2020. godine, Direktor za ekonomske poslove, dana 27.06.2022. godine, donio je

**O D L U K U**  
**O IZBORU NAJPOVOLJNIJEG PONUĐAČA**

**I**

U okončanom otvorenom postupku javne nabavke laboratorijske opreme za Mašinski fakultet, u cilju realizacije projekta odobrenog od strane Federalnog ministarstva obrazovanja i nauke “Minimiziranje termo-hidrauličkih ireverzibilnosti izoliranog vrtložnog polja nanofluida” LOT 1, izabran je ponuđač “MICOM BH” d.o.o. Sarajevo, sa ponudnom cijenom od 1.624,00 KM bez uračunatog PDV-a, odnosno 1.900,08 KM sa uračunatim PDV-om, te se istom dodjeljuje ugovor o nabavci.

**II**

Ponuda ponuđača iz tačke I ove Odluke odabrana je iz razloga što u svemu zadovoljava uslove postavljene u Tenderskoj dokumentaciji i zato što je po svim svojim elementima, uključujući i ponuđenu cijenu, prihvatljiva za Univerzitet.

**III**

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostaviti original ili ovjerene kopije dokaza iz člana 45. Zakona o javnim nabavkama BiH koji su precizno definisani u tenderskoj dokumentaciji.

**O b r a z l o ž e n j e**

Univerzitet u Tuzli pokrenuo je postupak javne nabavke laboratorijske opreme za Mašinski fakultet, u cilju realizacije projekta odobrenog od strane Federalnog ministarstva obrazovanja i nauke “Minimiziranje termo-hidrauličkih ireverzibilnosti izoliranog vrtložnog polja nanofluida” LOT 1, putem Otvorenog postupka javne nabavke broj: 01-58-JN-1/22 LOT 1 – LOT 2 od 27.04.2022. godine objavljenom na Portalu javnih nabavki “E-nabavke” broj: 795-1-1-32-3-61/22, “Službenom glasniku BiH” broj: 34/22, i WEB stranici Univerziteta. U ostavljenom roku ponude su dostavili slijedeći ponuđači: “HELIA” d.o.o. Sarajevo, “MICOM BH” d.o.o. Sarajevo i “KEFO” d.o.o. I. Sarajevo.

Nakon javnog otvaranja ponuda Komisija za javne nabavke izvršila je detaljan pregled dostavljenih ponuda te utvrdila da ponuđač “HELIA” d.o.o. Sarajevo za stavku pod rednim brojem 2. Profilisana posuda za tečnost nije dostavio tehničku dokumentaciju niti nacrt za poklopac posude, a isto je zahtjevano tenderskom dokumentacijom pod tačkom n) u dijelu tačke 4. Priprema ponude (4.1. Ponuda treba da sadrži: n) Katalog sa tehničkim karakteristikama ponuđene opreme za LOTove – može u formi internet ispisa). Nadalje u specifikaciji opreme/obrascu za cijenu ponude je traženo da se poklopac posude izrađuje prema nacrtu, a ponuđač nije dostavio nacrt za isti.

Daljim pregledom dostavljenih ponuda Komisija je utvrdila da ponuđač “KEFO” d.o.o. I. Sarajevo je za stavku pod rednim brojem 1. Magnetni mješač ponudio opremu koja ne odgovara traženoj specifikaciji, tačnije maksimalna brzina ponuđenog mješača od 1500min<sup>-1</sup> je manja od zahtjevane 2000min<sup>-1</sup>. Nadalje, za stavku pod rednim brojem 2. Profilisana posuda za tečnost: Ponuđena posuda iz kataloga ne odgovara traženoj specifikaciji. U specifikaciji opreme / obrascu za cijenu ponude je traženo da se poklopac posude izrađuje prema nacrtu, ali ponuđač nije dostavio nacrt za isti.

Takođe, ponuđač nije ispravno popunio Obrazac za cijenu ponude, tačnije u koloni 6. Model/Tip/Proizvođač ponuđač ne navodi zahtijevane podatke nego cijenu ponuđene opreme.

Zbog svega navedenog ponude ponuđača „HELIA“ d.o.o. Sarajevo i „KEFO“ d.o.o. I. Sarajevo se odbacuju kao neprihvatljive.

Daljim pregledom preostale ponude ponuđača “MICOM BH” d.o.o. Sarajevo, utvrđeno je da ponuda sadrži sve kvalifikacione dokaze zahtijevane tenderskom dokumentacijom i tehnički je prihvatljiva.

Obzirom da je pristigla jedna prihvatljiva ponuda E-aukcija nije zakazana.


Budući da ponuda ponuđača "MICOM BH" d.o.o. Sarajevo u svemu zadovoljava zahtjeve Univerziteta predviđene tenderskom dokumentacijom i ima prihvatljivu ponudenu cijenu, Komisija je predložila da se istom dodijeli ugovor.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, po punomoći Rektorice Univerziteta u Tuzli, Direktor za ekonomske poslove prihvatio je preporuku Komisije i odlučio kao u dispozitivu ove Odluke.

**Pravna pouka:** Protiv ove Odluke može se podnijeti žalba URŽ-u putem ugovornog organa Univerziteta u Tuzli u roku od 10 (deset) dana računajući od dana njenog prijema, na adresu dr. Tihomila Markovića br.1., 75 000 Tuzla.

Prilog: Zapisnik o pregledu i ocijeni ponuda broj:  
01-58-JN-9/22 LOT 1 od 16.06.2022. godine

DOSTAVITI:  
1x učesnicima  
1x a/a



DIREKTOR ZA  
EKONOMSKE POSLOVE  
*Husein Matovic*  
Husein Matovic, dipl. ecc.